


OLA

PULETINI A'OGA

e faasoa faamatalaga mo a'oga i le gagana Samoa

www.ola888.com



14 Setema 2015 ~ Lomiga 29 ~ Upega Tafailagi: www.ola888.com ~ Telefoni (09) 269-6186 ~ Tuatusi: saili.niupac@gmail.com; evaleon.books@gmail.com ~ E le faatauina ~ A Free Publication

~ Faaaliga ~

Tusi i le Faatonu,
O loo ou sailia se upu e faaSamoa ai
le igoa Peretania o le paneta o Mars,
Fai mai isi o Masi, ae pe iai ni
faa-Samoa e ese mai. Pe mafai ona
fesoasoani mai . . (Faia'oga)

E tuu atu ma le faaaloalo i le mamalu
o le aufauupu po o le a se upu e sili
ona fetau. O lea ua iai Masi ma Masa
ae moomia ni isi e ese mai.

O le faaiuga lenei o le tatou tauvaga
tusigatala o le 2015.

Tulagalua: Ronnie L Semi, Aukilani
Kolisi: Genesis Mavaega, Perisipeni
Aumatutua: Tuna Laufatu, Amerika.



LALELEI O SAMOA: Se tasi o foliga tausaaafia i le vaiaso o taligamalo a Samoa i taaloga a Talavou o le Taupulega a Peretania. Pei a se Avele.

Tele ni fesili taua e mafua mai i le vaoia o se tusi


Ua mautinoa! Ua sa ona toe
faatau mai pe faatau atu e se isi le
tusi ua faaigoa, Into the River, tusia
e Ted Dawe, o se faia'oga.

O le pulega e nafa ma Ata Tifaga
atoa ma Galuega Tusitusi na faia le
faaiuga, e faavae lea i le malosi o le
faitioga a le Family First (Muamua
Aiga).

Na tusi le Family First i le pulega
e momoli i ai ona popolega i ni vaega
o le tusi e manatu e le fetau mo le
faitauina e fanau. O vaega ia e aafia
ai le feusua'i o tama ma teine a'oga
matutua, le fa'aaogaina o fualaau
faasaina, aemaise o le gagana le
afeifeia o loo tusiina ai.

Ta'utino le faatonu o le Family
First, Bob McKoscrie, na te le
faatagaina lona afafine e faitau i le
tusi ona o le gagana ma mataupu o
loo talanoaina. E le mana'o foi i lona
afafine e talanoa ma isi teine ua
faitau ai i le tusi. E to'atele foi isi tamā
na ia talanoa i ai e lagolagoina o ia
selau pasene. E silia i se 400 ni

O le uluai taimi
lenei talu mai le
22 tausaga ua
vaoia ai se tusi mai
le faatauina atu i
totonu o Niu Sila.
Ua folafola ni sala
e oo atu lava i le
\$10,000 pe a soli
le tapu. Fai mai isi
o le tala lava ia ua
fetau ma fanau ua
matutua, ae e le
faapena le lagona
o isi matua.



matua na tusi atu ni tusi e lagolagoina
le faatonu o le Muamua Aiga.

Ae na ia te'ena le tuua'iga e
faapea sa ia finau mo le tuuina o le
tapu e le mafai ai ona faatau le tusi.
Fai mai a ia, na mana'o e tuu i ai se
faagata (tausaga) e puipui ai fanau
laiti e le tatau ona fetagofi i ai.

Muamua sa tuu i ai le R14, ae na
alu a'i toe ave ese e le Ofisa Pasi Tusi.
Peita'i na tete'e le Family First ma
tula'i mai ai loa le fa'aiuga ua iai nei.

O loo mau pea le taofi o lē e ana le

galuega. Faaalia e Ted Dawe, na te le
toesea se upu o mea na ia tusia.
Na ia faamatala le uiga o le tusi ma le
mafuaaga na tusia ai. E mo fanau
talavou ua aulia le matutua e
malamalama ai i nei mataupu. O nei
vaega o le olaga o ni mea moni lava e
aafia ai latou ua aulia lea matua. Finau
mai le tusitala o mea lava nei o loo
faitau ai foi le fanau i isi tusi ua lomia, o
loo avanoa foi i ai le fanau i isi auala o
faamatalaga.

E iai tusitala ma kamupani faitusi e
lagolagoina le tusitala, e iai le Penguin,
na faatupeina le lomiga ma le faatauina,
atoa foi le Booksellers New Zealand.

I le fatu o le mataupu le finauga i le
fea tuaoi e gata ai le mea e tusi mo le
fanau a'oga ma lena e tusi mo le
aumatutua. E aofia ai ma le fesili poo fea
e gata ai le pule a matua i le faatonuina
o le tusi e tatau pe le tatau ona faitauina
e alo ma fanau a'oga.

O le tusi *Into the River* na malo i le
faailoga Tusi o le Tausaga 2013. O le a
mataitū pea taualumaga o le finauga.

Ripoti o le Vaiaso:

Mau eseese le malo ma Niu Sila i le tatau ona faatulafono le tausiga o le ola maloloina o fanau a'oga

E le o se mataupu fou, ua leva lava ona talanoaina. Muamua i le faama'ite a pulega e nafa ma le tiute, e faavae i su'esu'ega faifai pea a le ausu'esu'e e faamaonia ai. Lua i totonu o le palemene.

I se polo (poll) lata mai a le Iunivesite o Aukilani i mea'ai Maloloina, na fulisia ai le numera o e na auai i le taofi, e tatau ona faamalosia se poloaiga e tausisia ai le tulaga maloloina o mea'ai.

E toe lava aulia le 80 pasene e lagolagoina sea faamalosiga. E manatu i latou e tatau ona tausolomua le malo e ala i se anava (policy) e poloa'iina ai. Na o le 22 pasene e manatu e le o se pisinisi lena a le malo e fai.

I ona auililiga, e manana'o le vaega to'atele e fua se tapu: ia tapu le faatauina o faguinu taugofie na e fa'aaoga e a'oga e fai ai a latou sailiga tupe, pe faatauina atu foi i totonu o faleoloa ma fale'aiga a a'oga. E aofia ai ma mea'ai e tele le ga'o e maua ai.

Fa'aalia se taofi o le alii polofesa o Swinburn, ua manino i le polo na fai le naunauga o matua Niu Sila, ia iloga se ta'ita'iga malosi faalemalo i lenei mataupu. E tatau ona ogatasi le fe'au o loo taulagi i le Taiala o A'oga ma le mea moni o loo tupu i totonu o lotoa a'oga.

Na faatusa e Swinburn le amatamea o le malo i lena o se moli taiala e taula'i i ai le vaai, i totonu ma fafo atu o lotoa a'oga.

Ae manatu foi nisi taiulu o a'oga, e le lava se anava poo se poloaiga a le malo e faatonuina ai le faafitauli.

Saunoa Dennis Torrey, peresetene o le taupulega a Pule Aoga Niu Sila, e gata mai le malosi o se poloaiga. E moni e mafai ona a'oa'o le fanau e faia'oga, ae tatau foi ona fai le pitolaau a aiga ma le aufaitulafono.

E leai se faia'oga e aia atu i le faatau a se aiga e fai. O sona taofi lea.

I le 2009 na soloia ai e le malo o iai nei se vavao na pasia e le Leipa, e faasa ai le faatauina o mea'ai 'e le maloloina' i totonu o lotoa a'oga. O le finau a le malo, e le sana fe'au lena le vaavaai o mea'ai a



Ua faamaonia i su'esu'ega le sootaga o le ulavale, ma isi afaina tau le mafaufau, ma mea'ai e aai ai le fanau.

tamaiti. O le mea lena a matua.

I le taimi nei o loo tu maualuga Niu Sila o se atunuu e sili ona afaina ona tagata matutua i le ma'i puta, e sili ai Meisiko ma Amerika. Pe a ma se 10 pasene o ana tamaiti ua puputa tele (obese) ae silia i le 20 pasene ua mamafa tele.

Fa'aalia se taofi o Annette King, fofoga o le Leipa i mataupu tau le Soifua Maloloina, e le faigofie ona talia e Niu Sila le faaupuga, o se malo sili le lapopo'a i le lalolagi.

Mo Maori ma faiganuu a le Pasefika, e fesoota'i tonu le siosiomaga o le fale ma le tulaga maloloina. Muamua, i tausami e fiafia i ai, lua, le sootaga a mea'ai taugofie ma le faasoa, tolu le augata e faamalositino.

E moni ua iai ni taulagalaga lelei mo ni suiga ae peita'i ua na o sina vaega faatauva'a o le fuainumera. Ua iai foi nofoaga faamalositino ua saunia e Fono a Taulaga, ae e le o aiga Pasefika uma e aga'i i ai. E foliga foi e 'alofia e i latou na e sili ona mana'omia nei nofoaga,

E iloga le sao o a'oga ma faia'oga i le tala'iina o le fe'au taua, auā o latou na e feagai ma le fanau i aso uma. E pei ona faia e le tulagalua a Road Street, Hamilitone. E toto lava a latou laau aina ma toe fa'aaoga ia latou mea'ai o le aso. E a'oa'o le fanau i upu ma le gagana o mea'ai ma o latou uiga, aemaise o aoga ta'itasi o mea'ai i totoga o le tino. O le faamoemoe maualuga, ia alu a'i avea ma se masani i le fanau, ma iu ai ina lafoa'i mea'ai e le maloloina.

E iai foi se vaega o matua e 'au i le malo, e manatu o le matafaioi lena a matua.

OTOOTOGA

Ta'utino le pulea'oga

Na ta'utino le pule o le A'oga Maualuga a Manurewa, Pete Jones, na peisea'i ua lagona sona ma'i, ina ua matamata i se ata o ni fusuaga a ni teine o lana a'oga sa pu'eina i se telefoni feavea'i.

I luga o le Facebook na faasalalau ma matamata ai se faitau selau afe, e faalima afe ona faasoa atu ae 15,000 i latou sa fiafia i ai (likes).

O loo tausaili nei le faapogai o le vevesi, ae e tusa i molimau a nisi matua, ua leva ona fuafua le fusuaga, e le o se mea na tupu faafuase'i. Ua iloa ē o le a fufusu, ua sauni foi i latou e nafa ma le pu'eina o le fusuaga e pu'e. Na osofaalava leoleo e vavao ma faapea ai ona taofia lona faaauauina. Ua folafola e le pule le faate'a o lē na matua'ia, pe a mae'a su'esu'ega o loo faia.

Haka o le tetee i le faaiuga

E tauilo pe faamata e lava le haka a le fanau a'oga e sui ai le mafaufau o le minisita ma le malo i le tapunia o se tasi a'oga lausilafia a le atunuu.

I luma o le maota o le palemene i Ueligitone i le amataga o le vaiaso, na fai ai la latou haka e faailo la latou tete'e i le faaiuga.

O Turakina, o se tasi o a'oga ua afu lana tautua mo fanau teine Maori, peita'i ua manatu le minisita e tapuni ona faitoto'a, talu ai le pa'ū maulalo o le numera o fanau e ulufale.

Saunoa le minisita o A'oga, Hekia Parata, o le pa'ū o le numera o teine a'oga, faatasi ma faaletonu tupu pea i le tausiga o ana tupe ma meatotino, o mafuaaga ia i tua o le faaiuga.

Faasoa o le Vaiaaso:

Mana'omia se ta'ita'iga malosi mai le malo

E le se mea fou le fufusu o tamaiti i le a'oga. E molimau nisi o le mamalu o le aufaitau matutua.

E pei se mea faigofie letaufalo taliga a o tilotilo ese le faia'oga, ona faatali lea se'i tuua le a'oga, o lea i se pitovao e iloilo ai poo ai le toa. O isi a'oga e laufali ai le pule. A uma le fusuaga o ai ua leaga, ona lapata'i lea i ai o le pule, 'ua sa ona e toe tautalaititi i le tama lea ua malo.'

O le faiga faaSamoa lena i fatia ua sola. Na o lima ma upu, a uma lava ua uma.

I nei aso ua ulufale tamaiti ma 'a'upega. O samala ma mea ma'ai, faatasi ma telefoni e pu'e ai, lenei ua siitia maua luga ai le naunauga e faatino se vevesi. E tupu nei lava ma matamata ai le lalolagi o tagata i le ata i se taimi faatauva.

E foliga o se tauvaga ua fai nei po o le a le isi ata e sili atu lana 'aumatamata i lo lena na te'a atu.

O le aafia soo o fanau Pasefika, e aafia ai Samoa i faiga faapea, ua tupu ai se fesili pe aisea—poo fea tonu le a'a faatupumala lea e faa-osoia, i le vao neura faitau piliona.

Ua avea le fusu ma auala o sootaga, e fa'aali atu ai e isi tama ma teine i latou i le lalolagi. O a'u lenei, ou te malosi, ou te mamalu, e tataua ona amana'ia a'u.

I nei foi aso o suiga i lagona ma uiga e mafua mai i le malosi o le tekonoosi, ua faigata ai ona tauilo mafua'aga e fia mimisa ai fanau i nofoaga faitele. Pe fia fusu ona ua aafia mamalu, pe fai foi ona o le fia aliali ma le malovale.

Ae mo se lelei o fanau i nei aso, e le faatusalia o tatou taimi ma le tuga o lu'i o loo ua fesagai nei ma i latou. Muamua le avanoa sa'oloto i ata ma faamatalaga, ma le mata'utia o aafiaga i le mafaufau ma le loto, talu le vaai pea i foliga o sauaga, i tulu'iga e pau mai ai le fua.

O le popolega muamua, o le saogalemu o isi fanau ma faia'oga. Auā o soo se misa e tupu, e iloga ona aafiaga, ma e ono tuatua tetele.

Soo se loto e manu'a e lua mea e tula'i mai ai, a le o se faalavelave matuiā e aafia ai le ua manu'a, o se mea tuga e tupu i isi na faao'oina. E molimau mea tutupu mai Amerika e fai ma lapata'iga. E molimau foi mea ua tutupu i lo tatou lava lotoifale.

Ae sili ona tuga le popolega i le avea o nei aga ma ni masani e tautu i ai le fanau, ma saga fagaina ai le aganuu o sauaga i totonu o aai ma aiga, ta'ita'ia e Hone Heke ma lana vaega, e pei ona fa'aata e ata tifaga nisi foliga le tusaafia o Niu Sila.

E laitiiti le ofo pe a ta'u mai se igoa o se a'oga i nofoaga o loo tulimata'i e leoleo, auā o mea e tutupu i a'oga e atagia ai mea moni o loo tutupu i totonu o se aai. E le o utuva le aliali a'e pea o le igoa o Manurewa i luga, i le tulaga o solitulafono e faia e talavou laiti.

O se faanoanoaga lea mo le pulega o se a'oga o loo tauavea le igoa, o se a'oga e tele ni mea lelei ua ta'u ai, i ausiga a ana tamaiti, ae le ta'ua le to'atele o isi fanau ma matua, ma a'oga, o loo faia mea uma e ta'uileleia ai le igoa o lo latou aai.

I le tula'i mai pea o mataupu tau i sauaga i a'oga ma le fufusu o fanau i nofoaga faitele, ua mana'omia ai se ta'ita'iga malosi mo se tali malosi i ai.

E le mafai e a'oga, e le mafai foi e matua ma faiganuu na o latou. Ae mafai pe a pululima faatasi e ala i se ta'ita'iga malosi mai le malo.

O se malo e faaleiloga sona tala'aga i nei ituaiga mataupu. Talanoa i se ta'ita'iga i mea'ai maloloina mo a'oga, fai mai le malo e le o sana mea lena e fai. A talanoa i le saogalemu o fanau ma faia'oga i lotoa faigaluega, fai mai o le tiute lena o leoleo.

O se faanoanoaga aupito tiga mo matua, o le faatali se'i tupu se faalavelave, ona faato'ā talia lea e le malo o le moni, e iai lona tiute e fai.

"mafaufauga o le vaiaaso"

"Auā afai o iai le iuga, ona le iuvale lea o lou faamoemoe. Faataoto 23 f.18

Tulimanu o Popa:

Viiga o le nuu, tuli pono mai le lotoa, ma tusi faavevesi



Taeao manuia i le mamalu o le aufaitau, ae faasili pea le mua i lo tatou Tapaau i le Lagi, lona alofa le mavae ia i tatou uma. Ae alo maia, o nai tala fo'i nei o mea sa tutupu i lena vaiaaso a'oga.

Muamua lava le tala fiafia i le iuga manuia o taligamalo a Samoa sa alo atu i ai le atunuu, ae faisao ai fo'i nai fanau a'oga.

Ia, malo faiva o le faiva, o faiva lava ia o Samoa o le talimalo, e muliga ni oi i aitalafu i lagona nene'e pe a fo'i malo ma le mama ua lomi ma le fatu ua malemo. O tatou lava e faapena.

Ou te faamalo atu i le iunivesite a Melepone, i se tasi a latou kolisi ua latou tuu le vavao i mea foi nei o pono (poo ata e le tataua mo le fanau). Ua le mafai nei ona toe avanoa le aua'o'oga i nei ata i totonu o lona lotoa. Tele pelu e fesaua'i ona o le feita o le autete'e. Faalala aia tataua. Ae ua sa'o le faaiuga. Alu le pono ia i lona aiga e fai ai lona vaivai ae tuu lotoa a'oga mo fanau ma i latou o loo fia a'o'oga moni. O le isi mea e manatua, o tupe a le autogi lafoga o loo totogi ai a latou a'oga. E lei avatua e matamata ai ni mea faapena.

O le tala i le tusi lea e vevesi ai nei Niu Sila e malie fo'i. Ua ou manatua ai se tasi a se tasi a tatou tusitala lauiloa. E iai fo'i ni mea faapena, ae e le taitai ona tutusa ma le tusi lea o loo pisa ai. Atonu o le mea lena e musu ai le tatou tusitala e faaSamoa lana tusi. A fua i lena taimi na faatau ai i Apia, e pei lava ua oo atu le pono i Samoa. Aso nei la, e pei lana tala o se tupua e fai i tamaiti. Ioe Soma e, o le olaga ua saosaoa tele. E peiseai ua tatou nonofo o ni tagata ese i se isi paneta.

Manatua le lipoti a le tatou puletini i le Ashley Madison? E to'alua ni tagata ua pule i o laua ola talu ina aliali mai le mataupu i luma. O le tasi o se faife'au Meleke, maua lona tusipasi foma'i i le Tusi Paia. Lauiloa. O se tala faanoanoa lea e faaiu atu ai la'u lipoti. Feiloa'i pea.

● tala o le fale tuufua



E lelei le ma faigauo ma la'u uo e igoa ia Samu i se tama'i aai maotua i le motu i saute. E fesaga'i tonu lo latou fale ma se fale tuufua e talanoa ai tamaiti fai mai e nonofo ai aitu.

O le isi la aso na sau ai la'u uo ma se tonu faavalevalea, ma te o i totonu o le fale, ona ma o ai lea e autilo.

Talu ai e to'atele o matou tuaoi, o le mea lea na ma taumafai ai e feosofi mai i le faitoto'a i tua, peita'i sa loka. Ui i lea sa iai se ava i le puipui o le faletaavale. Na ma femaulu ai nei ae taia loa i se manogi. O se maile ua pe (ituaiga Siamani ou te manatua) i se pito o le faletaavale.

E foliga ua tele ni aso na taatia ai. E lei faatuai lo ma toe femaulu i fafo ma toe fo'i atu i le fale o Samu.

I lena po na ma taumafai ai e a'o le tatalaga o se loka ina ia mafai ona ma ulufale i totonu i le aso e sosoo ai. O le mea muamua lava lea na ma faia i le taeao po o le isi aso. E lei manuia la ma taumafaiga i le loka, ae ona o uiga faatamaiti lava na mafua ai ona ma toe femaulu e vaai le maile. Ma te o atu, ua leai se maile. Ua leai lava ma sina foliga e iloa ai le mea sa taatia ai—poo se tasi mea lava.

A o ma savavali ese ma le fale ae faafuase'i ona ma lagonaina se pa'ō leotele mai le faletaavale na matuā lagona ai lo ma pala'a'ai tele, ma alu loa le ma tuli i le fale o Samu.

E le o se mea lelei mo ma'ua auā na iloa mai e le tina o Samu la ma tamou'ega; ua uma ona ia lapata'ia ma'ua e aua ona ma faalatalata i le fale. Na ma fesili i ai pe aisea, ae faapea mai lana upu: 'Muamua, e le so lua fale. Lua, e aitua le fale.'

O le tina o Samu o se Maori e talitonu i agaga ma mea faapena. Na ia faamatala nei ia i ma'ua le tala i le tamaloa sa nofo ai.

Mo mafua'aga patino, o le a ou le ta'uina atu le igoa moni o le tamaloa.

A o soifua le tamaloa, na fanau lona to'alua o se teine. O taimi pito fiafia ia o lona olaga. O lona afafine lona mitamitaga ma le oliolisaga o lona agaga. Peita'i na tupu se faalavelave ina ua matua le teine. A o taumafai le faatosaga e tuu eseese ia ma lana pepe, ae maliu ai ae ola lana tama.

Na ta'e ai le 'afa o le fatu o le



tamaloa i le oti o lona afafine. Ona tausai ai lea e i laua ma lona to'alua le tama a le laua tama.

Ua te'a ni tausaga ona oti fo'i lea o lona to'alua e le mautinoa le mafua'aga. E faapea na savalivali o ia i totonu o le fale ae pa'ū faafuase'i ma oti ai lava. (Fai mai le tina o Samu e lei toe loteina e le tamaloa seevae mamoe o lona to'alua i le mea tonu na pa'ū ai).

Na avea lenei mea tiga ua tupu ma auala o le ta'e o le isi pito o lona fatu. Toe o lona afafine laitiiti (tama a lona afafine) le faamoemoe ola o loo totoe ia te ia.

Ae ina ua matua le teine, ona alu ese lea ma lo la aiga, na uma ane ua o ma lana uo tama i Egelani e nonofo ai. Ona alu lea o le toeaina ua faatau mai se maile e fai ma ana pa'aga. Na ia sasaa uma lona alofa i le maile e ala i mea'ai taugata ma meaalofo e faatau i ai.

Ae na avea lea ma mea na vave ai ona pe le maile (leoleo mamoe Siamani o la'u mate). Na toe lagona ai lona mafatia tele.

Peita'i sa mafanafana lona loto ona o loo ola lona afafine laitiiti. (Ui e le o nofo lata mai. O ia le mafua'aga o lona iai pea i lenei lalolagi.

Na maua sa la fesoota'iga ma lona afafine laitiiti. Na ia faapea mai i le toeaina e le toe fo'i mai i Niu Sila. Ailoga fo'i e sau i lona maliu. O le tala lea na nuti lili ai ni toega o lona fatu ma maliu ai lava . . .

Ina ua uma ona faamatala le tala e le tina o Samu, na maua ai fo'i ma le tonu, ma te le toe o i le fale. Ma te le toe faalavelave i le toeaina mafatia. Ae sili ona tuu pea ia e malolo filemu.

I le tausaga na sosoo ai na sui ai la'u a'oga ma ou te lei toe vaai ia Samu i le isi fitu tausaga. Ae ina ua

atoa lo'u 17—ua fai fo'i la'u taavale, na toe maua ai le ma fesoota'iga ma la'u uo. Ona ou alu lea e asiasi i ai.

Na muamua lava aga'i le ma talanoaga i le fale tuufua. Ma te iloa lelei atu lava le fale; e le'i telē lava se suiga mai ona foliga i le

fitu tausaga ua alu.

I lena afiafi ina ua alu le tina o Samu i le papu na ma o ai ma Samu e toe siaki le fale. Ou te lei popole i le loka auā ua lava lo'u potomasani i le tatalaina o loka eseese.

Ae ina ua ma taunuu i le pito i tua, na ma vaaia le faitoto'a ua matala. Masalo o se tasi na taumafai e ulufale i totonu. Peita'i e lei mamao lana alu auā e iai le isi faitoto'a o loo mau pea lona loka. E lei umi se taimi na ou punou ai ae matala.

Ina ua ma ulufale i totonu na ma vaaia se pea seevae mamoe o loo taatia i autafa o le faamalama (ou te manatua e lei loteina e le toeaina). E faasasaga tumutumu i fafo.

Na ma iloa fo'i se pea seevae tamaloa e taatia tonu i luma o le tasi nofoa e faasaga i le mugalafu.

I luma o le isi nofoa o loo taatitia ai ni seevae fou lava o se tama'ita'i.

Na tau pe lo'u fatu (ua ou manatua le afafine!) Na faasolo la ma vaai i ata o loo teu ai le mugalafu, e leai ma se apogaleveleve o pipii i se ata. O se mea tulaga ese!

Na vave ona oo mai ia i ma'ua se lagona o loo mata'i mai a ma gaioiga e nisi. . . .

Na ma toe tete'a ma la'u uo ina ua ou alu i Ausetalia e faigaluega ai. Ae ma te fevilii'i lava e faamanuia o ma asofanau.

E lei leva atu le oti o si a'u uo. A o lei oti na vili mai ma faapea mai lana upu, "Ua atoa le aiga!"

"O le a le uiga o lau tala?"

"Na ou toe alu lata mai nei i ai, na ou vaai lava i ai i se pea seevae fou lava, e tusi ai le upu: "Gaosia i Egelani."

Fai mai lona to'alua e lei ma'i, ae na pa'ū faafuasei ma oti ai lava, a o savalivali solo i totonu o lo latou fale.



Sponsored by Evaleon Books

LOUTALA FA'ASOLOPITO SAMOA HISTORY

"Ne'i mea ane na galo"



13—19 Setema

13

1905 Faavae Fono a Faipule

1866 Pa i luga maugamu
tatanu gatai o Manu'a

1982 Pasia e le palemene a
Niu Sila le tulafono
taufaaofi Tagatanuu
(Samoa i sisifo)

15

1887 Faamalosi e Brandeis
Laupepa saina maliega
e avea ai Tupua
Tamasese ma 'tupu o
Samoa'

1845 Osi le uluai misasa
Katoliko i Lealatele

16

1932 Apia. Ulua'i taaloga,
Samoa ma Toga, malo
Toga, 15-9. Au Samoa:
Aati, Ah Mu, Fruean,
Hellesoe, Lui, A. Mac-
donald, C. Meredith,
Mose, Panapa, Petelo,
E. Saaga, Sefo, Simanu,
Tamalua, Visiesio

1901 Poloa'iina e Kovana
Solofa se vavao i le tu
faaSamoa o le faate'a
(ma le nuu)

17

2012 Talimalo Samoa,
Taaloga Kilikiti Lalolagi
Vaega 8

2009 Taimi Amerika. Faa-
salalau ata: *Survivor*:
Samoa taimi muamua

1920 Folafole le avea o
Samoa o se Manitete a
Malo Aufaatasi

18

2011 Malo Uelese ia Samoa,
Ipu Lalolagi, 17-10


1982 Lau i'uga faamasinoga
Vaai Kolone i le palota.
Soloia ai le tofi faipule,
palemia ma le ta'ita'i
HRPP

19

1898 Tuua e Mataafa Iosefo
atu Maresala sa
fa'aunuu ai

Niu Sila: 13 Set 1933, avea Elizabeth McCombs ma uluai faipule
tamaitai a Niu Sila, sui a le Leipa; 19 Set 1893. Mua i malae Niu
Sila i se tulafono e talia ai le ulufale o fafine i le palemene.

Uluai faatinoga o le pule a isi pule e agaia faigamalo a Samoa



E tupu i faigamalo temokalasi a o se mea e
seasea ona tupu. Na tupu ia Gough Whitlam o le
malo Ausetalia a o lea fo'i na tupu ia Vaai Kolone
o le malo Samoa, ina ua faatino tiute o isi pule e
tusa i le malosi ua poloa'iina e le faavae. O
Whitlam (ata) na tuua le tofi palemia i le pule a le
Kovana Sili, a o Vaai Kolone, e ala i le pule a le
faamasinoga. Mo se lelei o Vaai (ata) e le tatau
ona faatusatusa le lua auā e eseese mafuaaga; o
Ausetalia foi na mua i faigamalo fou i le atagalue
faa-Peretania, a o Samoa i lea taimi e na o se
20 tausaga talu lona tuto'atasi. E le faatusalia fo'i
ona o le eseese o aganuu faaupufai a malo e lua.
Ae ono faitaulia le mea na tupu o se lape o le
faamasani i faiga fou, faapitoa lu'i fou na tula'i
mai e soagia faiga faapati e lei masani ai Samoa.

Ua atoa nei le 33 tausaga talu mai Setema, 1982,
na tumutumu ai Apia i le lauina o le faamasinoga
i le va o Vaai Kolone, sui faipule o Vaisigano, ma
le Itu Tagi, e faatatau tonu i moliaga faasaga i le
faipule. O moliaga e mafua mai i le iuga o le
palota, na molia ai o ia i le vao tuua'iga, e aofia ai
le faatosina e soli ai le tulafono, aemaise tuua'iga
matuia, o le palota o ni tagata ua maliliu. O le
faaiuga a le faamasinoga na tuua ai e Vaai Kolone
le tofi ta'ita'i o le HRPP, le tofi ta'ita'i o le malo,
aemaise o le tofi faipule a lona itumalo. Ona
avanoa lea o le nofoa mo Tofilau Eti. Na toe fo'i
mai Vaai Kolone i le palemene i le palota 1985,
ma toe maua le avanoa i le tofi palemia mo sina
taimi, e ala i le malo soofaatasi, Vaai-Tupuola.

E ono faapea se taofi i le mea na tupu, ua aoga
tele e tofotofoina ai le talitonuga i le iai ma gaoioi
o isi 'pule e agaia le pule' i se tulaga maloloina, o
le faavae lea o faigamalo malamalama.

O loo mausali pea pulega malo a Samoa.

NIUPAC PUBLICATION

Email: evaleon.books@gmail.com
Phone: (09) 269-6186
Postal: PO Box 43122
Mangere Town Centre, AUK 2153

All rights reserved. This bulletin and its content is
protected by copyright laws of New Zealand and
international conventions. Except for educational
purposes, any other activity pertaining to its use is
prohibited. OLA understands the rights of other
copyright holders whose material we use and
acknowledge always—apart from our own.

NIUPAC 2011

Editors:

Levi Tavita ~ ltavita8@gmail.com
Muliagatele V. Fetui ~ v.fetui@auckland.ac.nz
Saili Aukuso ~ saili.niupac@gmail.com

EVALEON BOOKS & NIUPAC PUBLISHING



Telefoni (09) 269-6186. Emeli: evaleon.books@gmail.com



*Tautua e ala i le gaosia o alaga'oa mo a'oga (tusi mo le a'oa'oina o le
faitau i le gagana Samoa, tusi e a'oa'o ai gagana, kalena, posters,
yearbooks, brochures. E tautua fo'i i le fa'aliliuga o gagana, ma le
tapenaina o ni tusi e fia lomia i so'o se sionara o fatuga.*

Sponsors:

New Zealand
Lottery Commission

Evaleon Books &
Niupac Publishing

Wheeler's Books
(NZ)



Sini Autu: Ia sa'o faaleoga o a'u upu e
e foliga tutusa

Alaga'oa e a'oa'o ai: siata upu
(upu fa'aaoga soo)

Fa'aleo manino:

1. aooa a'oa'o 'ao'ao

2. auau 'a'u'a'u 'au'au

3. aiai a'ia'i 'ai'ai

4. afā 'afa ăfaga

5. aso ăsō 'aso

6. ole 'o le 'o a'u

Aofa'i o a'u upu na sa'o =

Fale Fauupu:

O meafaigaluega e
lagolago ai galuega
faatino:

O la'u lisi o upu ou te iloa:

O ni fesili:


1. Pe na sa'o lelei le
faaleoga o a'u upu?

2. Pe na sa'o lelei la'u
faaleoga o le vauei
muamua?

3. O a ni isi upu
masani ou te iloa lelei
o latou faaleoga?

UILI FAU UPU

Saili tali o fesili o lo'o i lalo.
Pule oe pe sipela i luma
(clockwise) po'o tua
(anticlockwise).
E sa le feosoosofa'i.



1. Ta'u mai ni soa se tolu
o le *tafa* i le Igilisi:

2. Saili ni fausaga o le
upu *ata*


3. Su'e le upu *ta'afi* ma
tusi sona faamatalaga:

4. Tusi uma upu/
fuiupu e ta'i 4-8
mata'itusi, ma o
latou soa i le Igilisi
(E faitau ai ma upu
ta'ua i le 1, 2 & 3)

Lelei atoa = 12 upu
Lelei tele = 8 upu
Lelei = 6 upu

PASO I GAGANA E LUA

Faatumu le paso i upu/igoa Samoa. Fill the
crossword box with **Samoa** words / names
—unless stated otherwise.



Faalava~Across

- 1 tricks (8)
- 5 perhaps (2)
- 8 hibiscus (4)
- 9 inspect (6)
- 11 Legend: Vaea's wife (6)
- 12 brawl (4)
- 14 motivate (4)
- 17 girl name (6)
- 20 slip (3)
- 21 be of quality (4)
- 22 College rugby: boy of the moment - Isaac Who? (2,4)



- 23 angry (3)
- 24 paper (4)
- 25 consider seriously (6)

Lalo~Down

- 1 A place name in West Auckland (2,5)

- 2 the end (7)
- 3 massage (2)
- 4 according, like (4)
- 6 eyeball (7)
- 7 Church: Samoan for parish (6)
- 10 pot (3)
- 13 soap suds (2)
- 15 elated (5)
- 16 Samoan for Isaiah (5)
- 17 tree Samoan name, starts with F (5)
- 18 hard-working (5)
- 19 to follow with eye (5)



Scribe

- 1. O a sana pese laulooa?
- 2. O le a sona tala taua'oga?
- 3. O fea ni ona aiga i Samoa?
- 4. O a nisi ana taleni?

SUDOKU #29 (TAALOGA I NUMERA)

	4				8	3		
2					3			8
	9		4	5		1		
				6			1	5
5			3		7			6
6	7			8				
		1		9	4		8	
8			5					2
		5	8				4	

Fa'atumu
pusa numera
(tama'i
sikuea) i
fuainumera
1 i le 9.
Ia uma ane le
galuega ua
maua atulaina
ta'itasi
(tu, fa'alava)
o iai le 1 i le 9.
E tofu le
atulaina ma
lona
fa'atulagaga
e ese mai le isi.

FAIGOFIE / FEOLLOLO / FAIGATA

©sudokuessentials

TALI GALUEGA OLA 28

UILI FAU'UPU 28

- 1. faatau—buy; faatau—sell; faatau—to complete
- 2. ta'u (fausaga).
ta'ua, ta'uina, ta'uga,
ta'uta'u, ta'uta'ua,
feta'ua'i.
- 3. tauga (nauna)
O se mea'ai ua totoe e
faamoemoe e toe 'ai i se
isi taimi; o se mea'ai
tapena lelei e alala ai i se
malaga, pe asi ai se
failele ua te'a, mmf.

- 4. faatau—grocery; 'auga—object; fagua—be awoken; fagu—bottle; taugā—lethal; fa'ata—mirror; fa'ata—to aim; gafa—furlong; fa'ataugā—to indulge in something, to waste

TALI SUDOKU #28

1	2	3	4	5	6	7	8	9
4	5	6	7	8	9	1	2	3
7	8	9	1	2	3	4	5	6
2	1	4	3	6	5	8	9	7
3	6	5	8	9	7	2	1	4
8	9	7	2	1	4	3	6	5
5	3	1	6	4	2	9	7	8
6	4	2	9	7	8	5	3	1
9	7	8	5	3	1	6	4	2

Gabrielle Faamausili

Siamupini 50
mita Lalolagi
talavou laiti,
tauva i Samoa taimi nei;
faaopopo ane e oe ni
isi faamatalaga



O	N	E	H	U	N	G	A	E	A
T	G	O	A	P	S	T			
A	F	E	A	A	S	U	A	S	U
H	L	O	E	S	F				
U	L	A	U	L	A	M	E	L	I
H	N	O	O	K	T				
U	T	I	A	T	A	T	A	G	I
A	S	E	U	E	S	A			
A	T	O	A	T	E	U	I	L	A
U	G	A	U	G	U				
T	U	P	A	A	N	A	N	E	I

TALI PASO #28

© PasoSamoa.1988

POLE MA PAPA





O le OLA o se tautua e fia fai sona
sao i le fa'aaogaina ma le faauualoaina
o le Gagana Samoa ~

Ae mana'omia ona ta'u atu, pasi atu,
momoli atu sana fesoasoani i
potua'oga, aiga, aai, nuu, ma soo se
mea e aogā ai—i soo se itulagi ~

E taua lau fesoasoani.

Faatasi ma isi tausimea a le gagana,
e tasi le faafitiga, ia faaolaola ma
faaaoga pea la tatou gagana, auā
fanau lalovaoa ~

O la ta gagana o lo ta'ua tofi mai le
Atua, e tuufaasolo a tupulaga ~

O le faavae latou te tutū ai ma le
mautinoa, 'ai suiga ma lu'itau a le
taimi.

www.ola888.com

Le upu o le Vaiaso: taligamalo. O le taliina ma le faafiafiaina o ni malo taualoa,
ni malo asiasi, po o ni ni tagata ese: Isi upu. taligamalo faaSamoa, talimalo

Faugagana:

O ni ta'iala e fesoasoani i le faaleoga tonu

AOTELEGA

E pei ona ta'ua i faasoa na muamua,
o aga o fa'aleoga e aofia ai mea nei:

1. totoga faileo
2. aga ma auala e fa'aleo ai fonime (aofia ai se malamalama i vauei pupu'u ma uumi ma le eseese o na fa'aleoga)
3. vaevaega i silapela
4. fuataga o fa'aleoga e taula'i i le upu ma lona pa'o (televave), ma le si'uleo o le fa'aleoga (iloga /fa'ale iloga/ e le iloga).

O vauei pupu'u e māmā o latou ta'uga ma e fa'ale iloga pe le iloga fo'i si'uleo pe a tutu o ni vaega o silapela. Fa'atusatusa na ma vauei uumi e iloga o latou ta'uga po'o siuleo e toso pe tala'i fo'i.

SI'ULEO TAUTALA

Ua fa'atatau lenei i aga a le leo pe a tautala se tasi pe talanoa fo'i ni tagata. E aofia ai foliga o le leo po'o le malosi [tone]; atoa fo'i le fegaua'iga o le si'uleo e tusa ma le fa'ata'otoga o upu, po'o le aga o se talanoaga ua fa'aaoga. (Taga'i fo'i i **aga o talanoaga** i le Tusi e 2, itulau e 22).

O ni mea nei ua matauina i le tautala faa-Samoa:

1. faumalo a le gagana tautala i le gagana tusitusi. Fa'ata'ita'iga 1:
Tusi: Na e sau anafea?
Tautala: Na'e sau anafea?
Fa'ata'ita'iga 2:
Tusi: Ave ifo ia Moa e faia!
Tautala: Aifo ia Moa e faia!

fa'aauau

